

**ЎЗБЕКИСТОН РЕСПУБЛИКАСИ АХБОРОТ ТЕХНОЛОГИЯЛАРИ ВА
КОММУНИКАЦИЯЛАРИНИ РИВОЖЛАНТИРИШ ВАЗИРЛИГИ**


**ТОШКЕНТ АХБОРОТ ТЕХНОЛОГИЯЛАРИ УНИВЕРСИТЕТИ
ФАРҒОНА ФИЛИАЛИ**

Компьютер инжиниринги факультети

Гуманитар ва ижтимоий фанлар кафедраси

**ФАЛСАФА
фанидан**

РЕФЕРАТ



Топширди: **620-14 гурух талабаси Ш.Азизов**

Қабул қилди: **катта ўқитувчи Ш.Холматов**

Фарғона – 2017

**МАВЗУ: ЖАМИЯТ ФАЛСАФАСИ. ИСТИҚЛОЛ
ВА ТАРАҚҚИЁТНИНГ ЎЗБЕК МОДЕЛИ
РЕЖА:**

1. Жамият тушунчасри. Жамият мавжудлиги ва тараққиётнинг моддий ва маънавий омиллари.
2. Жамият тараққиёти тўғрисидаги назариялар.
3. Тараққиётнинг ўзбек модели-жамият тадрижий ривожининг намоён бўлишидир.
4. Жамият ва оила. Соғлом авлод тарбияси-жамият ривожининг гаровидир.

1. Жамият тушунчаси. Жамият мавжудлиги ва тараққиётнинг моддий ва маънавий омиллари.

Жамият – объектив ижтимоий қонунлар асосида ривожланадиган очик моддий система, кишилар фаолиятининг шакли, уларни ижтимоий ўюштиришнинг усули. Барча ижтимоий жараёнларнинг йифиндиси бўлган ижтимоий ҳаёт турли ижтимоий фанларнинг ўрганиш обьекти ҳисобланади. Фалсафий фанлар тизимида жамият ижтимоий фалсафа томонидан ўрганилади. Ижтимоий фалсафа яхлит бир система бўлган жамиятни, унинг умумий бўлган қонунларини, тараққиётнинг ҳаракатлантирувчи кучларини, табиий мухит ва атроф олам билан бўлган алоқа ва боғланишларини антроноцизм (инсонни фалсафанинг асосий обьекти сифатида ўрганувчи қараш) тамойили асосида тадқиқ қиласди.

Ижтимоий мавжудот бўлган инсонни ва унинг яшashi учун зарур бўлган шароитларни ишлаб чиқариш ва такрор ишлаб чиқариш борасидаги кишиларнинг биргаликдаги фаолиятлари жамиятнинг асосини ташкил этади.

Ижтимоий ҳаёт – моддий олам ҳаракатининг олий шакли ҳисобланади. Жамият табиатнинг революцияси натижасида вужудга келиб, дастлабки даврданок ўзига хос тузилмага эга бўлган система сифатида шаклланди. Яхлит система бўлган жамият таркиби : моддий ва маънавий ишлаб чиқариш, ижтимоий муносабатларнинг турли шакллари, базис ва устқурма, жамиятни ижтимоий тузилиши, сиёсий институтлар ва бошқалар киради.

Жамият информация ўтказиш механизми ва ворислик усулининг ўзига хослиги билан характерланади. Жамиятнинг материя ҳаракатининг бошқа шаклларидан асосий фарқи шундаки, унинг таркиби моддий ва маънавий жараёнлардан, ондан иборатки, уларнинг ўзаро таъсири ижтимоий ҳаётнинг мазмуни ва даражасини белгилаб беради.

Жамият ҳаётининг асосий соҳалари – моддий ишлаб чиқариш, ижтимоий, сиёсий ва маънавий ҳисобланади. Ижтимоий ҳаётнинг бу соҳаларининг ўзаро таъсирида белгиловчи ролни моддий ишлаб чиқариш, иқтисодий соҳа ўйнайди, яъни турли предметларни ишлаб чиқариш, тақсимлаш, айирбошлаш ва истеъмол қилиш соҳасидир. Моддий ишлаб чиқариш инсонларнинг ҳаёт фаолиятлари учун бошлангич шароит яратиб беради. У ҳар доим ижтимоий характерга эга ва табиатга, табиат материалининг инсон эҳтиёжларини қондирувчи предметга айлантириш жараёнидаги кишиларнинг ўзаро таъсирини белгилаб беради. Бироқ, ижтимоий алоқаларни амалга оширишда, уларнинг ўзига хос томонларини аниқлашда маънавий соҳа катта рол ўйнайди. Кишилар ўз фаолиятини онгли ёки онгсиз равишда амалга ошираётганига қараб фаолият натижалари турлича бўлади. Ижтимоий ҳаёт моддий ва маънавий соҳаларнинг узлуксиз бирлигини ўзаро таъсири ва бирини иккинчисига ўтишидан иборат. Жамият ўзлуксиз ривожланаётган системадир. Ўз эволюциясида у кетма – кет маълум қонуний босқичларни кечирган ва улар ижтимоий фанда цивилизацион мезонлар орқали ифодаланган. Цивилизация жараёнининг ҳар бир янги

босқичи яна ҳам юксакрок технологияларни ўзлаштириш, уларни техник жиҳатдан таъминлаш, жамиятни ижтимоий тузилишининг мураккаблашуви, атроф муҳит билан ўзаро таъсир қўламларининг кенгайиб бориши, жамоа ижтимоий фаолиятининг маълум шакллари билан характерланган. Лекин жамият тараққиётининг асосий кўрсаткичи бўлиб, ижтимоий муносабатларнинг характеристи, инсон омилиниң маънавий ва ижтимоий тўзилмаларнинг демократиялашуви даражаси ҳисобланган. Ҳозирги замон жамиятининг асосий хусусияти – моддий ва маънавий ишлаб чиқариш қуламиниң ниҳоят даражада кенгайиши, ижтимоий муносабатлар тизимини қайта ишлаб чиқишнинг информацион – техник усули, ҳаёт фаолиятининг демократик шаклларини ўрнатиш, ҳаётнинг бошқа томонларига нисбатан фан ва маънавий маданиятнинг илгарилаб ривожланиши ҳисобланади.

2. Жамият тараққиёти тўғрисидаги назариялар.

Жамият ҳақидаги фалсафий қарашлар узоқ муддат давомида ривожланиб келган.

Жамият ҳақидаги датлабки фикрлар аллақачон қадимги Юнонистонда шаклланган эди. Материалист файласуфлардан Демокрит инсоният тарихини табиий жараён сифатида баҳолаб, кишиларни ҳайвоний ҳолатдан ижтимоий ҳолатга ўтишини етишмовчилик ёрдамида тушунтирган. Ижтимоий ҳаёт одамларнинг қонун олдида тенглиги, уларнинг ақл кучига ишонч билан, мураккаб ижтимоий – ахлоқий муамоларни билиш ва хал этиш кобилияти билан фарқланади. Қадимги дуненинг яна бир машхур мўтаффаккири – Афлотун «*идеал давлат*» ҳақида таълимот яратиб, жамият ҳаётини ақл асосида ташкил қилиш, инсон табиати ва адолат ўртасида алоқа ўрнатишга ҳаракат қилган. Ижтимоий фалсафа соҳасидаги муҳим ғоялар Арасту томонидан илгари сурилган. У жамиятни маълум ижтимоий институтларини қондириш мақсадида бирлашган индивидларни йиғиндиси деб қарайди. Инсон ҳақидаги таълимотда инсондаги энг асосий хусусиятлар сифатида маънавият ва ахлоқни таъкидлайди.

Ўрта асрлар шароитида ижтимоий ҳаётни тушунтириш диний асосда олиб борилган. Бу даврдаги қарашларга кўра, жамият тарихи аввалдан Худо томонидан белгиланиб қўйилган. Ижтимоий ҳаёт унсурлари эса одамларнинг айборлигидан келиб чиқади. Ф. Аквинский фикрича, жамият азалдан тенгиззликка асосланади ва одамлар бунга итоат қилишлари керак.

Жамиятнинг келиб чиқиши, унинг тараққий этиш қонуниятлари ҳақида Шарқ мутаффакирлари Фаробий, Беруний, Ибн Сино ва бошқалар бир қанча ажойиб фикрларни илгари сурганлар.

Фаробий ҳам, жамият инсонларнинг хоҳиши билан ўзларига керак бўлган истеъмол махсулотларини биргалашиб ишлаб чиқариш ниятида ташкил этилган жамоа бирлашмаси деб ёзади, ўзининг «Фозил одамлар шахри» асарида.

«Одамларга нисбатан уларни бирлаштирувчи бошланғич асос инсонийликдир, шунинг учун ҳам, одамлар инсоният туркумiga киргандлари туфайли ўзаро тинчликда яшамоқлари лозим.» (Абу Наср Фаробий «Фозил одамлар шахри». Т., 1993, 186 бет)

Беруний фикрича, жамият инсонлар томонидан «шартнома» асосида түзилганд. Унингча, «инсон ўз эҳтиёжларини тушуниб, ўзига хос ухаш кишилар билан бирга яшашнинг зарурлигини англай бошлади. Шунинг учун ўзаро келишувчанлик кабилидаги «шартнома» тузишга киришади. Одамларнинг биргалиқдаги турмуши инсонни ҳақиқий қудратга, унинг эҳтиёжларини қондиришга олиб келмайди, бунинг учун яна меҳнат қилиш ҳам зарурдир.»(Буюк сиймолар, алломалар. Т., 1995, 51 бет.)

Янги давр мутаффаккирлари диний қарашларга зид равишда жамият табиий йўл билан вужудга келган ва шундай ривожланади деган фикрни илгари сурдилар. Гоббс, Руссо каби файласуфлар жамиятни вужудга келишида шартнома концепциясини ишлаб чиқдилар. Фуқаролар жамияти индивидлар йиғиндиси сифатида қаралди ва механик тарзда ўрганилди.

Немис файласуфи Гегельнинг кўрсатишича, жамиятнинг тарихий тараққиёти, унинг ижтимоий, иқтисодий ва сиёсий ўзгаришларининг асосий сабаби «мутлақ ғоя»га боғлиқдир. Немис классик фалсафасининг яна бир йирик вакили Л. Фейербах фукаролар жамиятини субстанция асосида бирлашган индивидлар йиғиндиси сифатида баҳолайди.

Европада яшаган социологлар орасида жамият ҳақидаги фанга илғор гоялар қўшган олимлар инглиз буржуа иқтисодчилари В. Пети, А. Смит, Д. Викардо ва бошқалардир.

Жамият тараққиёти қонунларини маълум даражада тўғри изохлаш соҳасида рус илғор демократларининг ҳам хиссаси бор.

Жамият тараққиётининг ҳар тарафлама материалистик талкини К. Маркс ва Ф. Энгельс асарларида илгари сурилган. Жамият ҳаётини тушунтиришда улар ижтимоий борлиқ, ижтимоий онг, ижтимоий – иқтисодий формация, базис ва устқурма каби тушунчаларга мурожаат килдилар. Ижтимоий тараққиётнинг асоси сифатида марксизм классиклари ижтимоий ишлаб чиқаришни олиб қарашибди. Моддий ишлаб чиқаришнинг маълум усулига асосланган жамият тараққиётининг тарихий босқичини ижтимоий – иқтисодий формация деб номланди.

XX асрнинг иккинчи ярми ижтимоий реалликни конкрет илмий билимлар : география, биология, кибернетика, синергетика, психология ва бошқалар ёрдамида тушунтиришга ўринишлар бўлди. (Ф.Ратцелғ, Г. Спенсер, М. Вебер, З. Фрейд, З. Пиеже) . Илмий – техника инкилоби шароитида техник – технологик омиллар асосида ижтимоий системанинг моделини яратишга ҳаракат қилинмоқда, ижтимоий ҳаётнинг турли томонлари муқаддаслаштирилмоқда. («бошқарувчилар» , « ўрта қатлам» жамияти ва х.к.)

XX асрнинг иккинчи ярмида инсон муаммоси биринчи ўринга қўйилгани муносабати билан бир қатор фалсафий – тарихий ва социологик йўналишдаги тадқиқотлар пайдо бўлди. Ғарб фалсафасида инсон фаолиятининг турли соҳаларига дикқатини қаратган йўналишлар вужудга келди.

Саксонинчи йилларда информацион жамият (В. Масуд, Дж. Нейсби), ўта индустрιал жамият (А. Гофлер), технотрон жамият (З. Бжезинский) ва

бошқа шу каби қараашлар кенг тарқалди. Янги шароитда ижтимоий таракқиётнинг информацияни (маълумот) ишлаб чиқариш, тақсимлаш ва истеъмол қилиш хал қилувчи омил бўлмоқда. Информациянинг хажми ва сифати жамият ҳаётининг белгиловчи ресурсига айланмоқда. Шу муносабат билан ижтимоий – тарихий назария ва амалиётни ривожлантириш кун тартибига қўйилмоқда.

Жамият таркибидаги элементларнинг ранг - баранглиги ва мураккаблиги улар бажарадиган вазифаларнинг ўзига хослиги билангина белгиланмасдан, борлиқнинг **моддий томонлари** билан ўзаро таъсир қилувчи **маънавий жараёнларининг** мавжудлиги билан ҳам характерланади. Ижтимоий ҳодисаларни моддий ва идеал турларга бўлиниши ижтимоий фалсафанинг фундаментал асоси ҳисобланади.

Моддий омилларга – бу моддий ишлаб чиқариш, кишиларни ўзларини такрор ишлаб чиқариш, уларни тартибига бўлган муносабатлари, синфий, миллий, оиласвий муносабатларининг моддий томонлари киради. Улар маънавий жараёнларининг асосини ташкил этади ва бирламчи ҳисобланади.

Маънавий (идеал) омил - объектив ҳодисаларнинг кишилар онгидаги инъикоси ҳисобланади, ижтимоий зарур эҳтиёжларни жамият аъзолари томонидан англаниши. Улар моддий омилларга нисбатан иккиласчи характерга эга.

Моддий ва маънавий омиллар ўртасидаги муносабат жуда мураккабдир. Бунда моддий омиллар охир натижада маънавий ҳодисаларни белгилайди. Жамиятнинг маънавий ҳаёти нисбий мустақилликка эга ва ўз навбатида ижтимоий ҳаётнинг бутун тизимиға қайта таъсир қиласди. Одамларнинг онги ҳодисаларнинг ривожланишини анча олдиндан кўра билиш қобилиятига эга. Билимларга таянган ҳолда инсон ижтимоий – тарихий амалиёт жараёнида оламни ўзгартиради. Инсон фаолиятида идеал омиллар моддийлашади.

Жамиятдаги моддийликнинг мазмунини **и жтимоий борлик** тушунчаси – моддий неъматлар ишлаб чиқариш ва унинг шакли бўлган ишлаб чиқариш муносабатлари, инсоннинг табиат билан бўлган ўзаро таъсири ва хоказоларни акс эттиради.

Жамият ҳаётининг маънавий томонлари инсоннинг интилишлари, хоҳишлиари, фикрлари, хислари, қайфиятларидан ташкил топиб, ижтимоий онг орқали ифодаланади.

И жтимоий онг ижтимоий борлиқнинг инъикосидир. Ижтимоий борлиқ асосида вужудга келадиган ижтимоий онг инсоният тарихининг муҳим, зарурӣ томони бўлиб колади. У инсоннинг ҳар қандай субъектив томони сифатида иштирок этади. Бу фаол қуч ижтимоий борлиқка акс таъсир этади.

Моддий ишлаб чиқариши – жамият тараққиётининг асоси. Базис ва устқурма.

Моддий ишлаб чиқариш кишилиқ жамиятида яшашнинг энг муҳим шартидир. Ишлаб чиқариш жамияти ривожланишнинг барча томонларига

хал қилувчи таъсир кўрсатади. Ҳайвонлар табиатга мослашади, инсонлар эса табиатга фаол таъсир кўрсатиб, уни ўзгартиради, ўзлаштиради ва ўз мақсади йўлида ундан фойдаланади. Инсон ишлаб чиқариш қуроллари билан табиатга таъсир қиласди, ишлаб чиқаришни амалга оширади.

Ишлаб чиқариш ҳамиша ижтимоий хусусиятга эга бўлиб, икки хил муносабатларни, яъни кишиларни табиатга ҳамда бир – бирларига бўлган муносабатларини ўз ичига олади. Демак, жамиятнинг ўзгариши ва ривожланиши тарихи ҳамда асрлар давомида бирининг ўрнини иккинчиси зарурий равишда оладиган ишлаб чиқариш усуслари тарихидан иборатdir.

Моддий усулнинг ўзи нимадан иборат? Ишлаб чиқариши усули моддий бойликларни жараёнидаги ишлаб чиқарувчи кучлар билан ишлаб чиқариш муносабатларининг бирлигидан иборат. Ишлаб чиқариш, бу икки муҳим томоннинг ўзаро алоқадорлигисиз меҳнат қилиш ҳам, моддий неъматларни яратиш ҳам мумкин эмас.

Моддий бойликлар ишлаб чиқариш учун аввало меҳнат предметлари ва меҳнат воситаларига эга бўлмок зарур. Инсон меҳнати қаратилган буюмлар, **меҳнат предметлари** деб аталади. **Меҳнат воситалари** ишлаб чиқариш кўрсатишда инсон томонидан фойдаланиладиган машиналар, асбоб – ускуналар, ишлаб чиқариш воситалари ва бошқалар киради.

Барча меҳнат воситалари ичида ишлаб чиқариш қуроллари ишлаб чиқаришни ривожлантириш учун, демак, жамиятни ривожлантириш учун катта аҳамиятга эга.

Ишлаб чиқариш қуролларини яратиш ва уларни ишлатиш одамлар фаолиятисиз бўлмайди. Демак, инсон **ишлаб чиқариш кучлари ингиз** энг муҳим бўлаги, жамиятнинг асосий ишлаб чиқариш кучидир. Энг асосий ишлаб чиқарувчи куч сифатида инсон янги машина ва механизmlарни ташкил қиласди, ишлаб чиқаришни оқилона ташкил этади, илмий кашфиётлар қиласди, фан – техникани, санъат ва адабиётни ҳамда маданиятни ривожлантиради, янги технологияни яратади. Инсон ўзининг билими, тажрибаси, малакасига таяниб ишлаб чиқаришни амалга оширади.

Фан ва техника тараққиёти ишлаб чиқаришни янгидан – янги тармоқларини юзага келиши ва турмушда қўлланилишига замин яратади. Радиотехника, радиоэлектроника, электронтехникаси, синтетик кимё, ядро энергетикаси, сунъий тўқималар кимёси, электрон ҳисоблаш машинаси – булар ва бошқа шу кабилар фан ва техниканинг янги замонавий тармоқларидир.

Юқорида таъкидланганидек, ишлаб чиқарувчи кучлар моддий ишлаб чиқариш усулини фақат бир томонидир. Унинг иккинчи муҳим томони ишлаб чиқариш муносабатларидир.

Ишлаб чиқариш жараёнида кишилар ўртасида бўладиган муносабатлар ишлаб чиқариши муносабатлари ёки иқтисодий муносабатлардир. Моддий муносабатлар одамлар ўртасидаги барча мавжуд муносабатларнинг энг асосийси ва муҳимирандир. Улар бошқа ҳамма

ижтимоий муносабатларни – турли гурухлар, табақалар ўртасидаги, жамият билан шахс ўртасидаги муносабатларни белгилайди.

Ишлаб чиқариш муносабатларининг асосини **мулкчилик шакли** ташкил этади. Ишлаб чиқариш муносабатларининг ҳар қандай тарихий тури худди шу мулк шаклига, яъни ишлаб чиқариш воситалари кимнинг ихтиёрида эканлигига боғлиқ.

«Ўзбекистон республикасида мулкчилик тўғрисида» ги қонунга мувофиқ ҳозир, жамиятимиз иқтисодий негизини қуидаги мулк шакллари ташкил қиласди : 1) хусусий мулк 2) ширкат (жамоа) мулки ; 3) давлат мулки ; 4) аралаш мулклар ; 5) бошқа давлатлар мулки ҳамда халқаро ташкилотлар, юридик ва жисмоний шахсларнинг мулки.

Ишлаб чиқариш муносабатлари ишлаб чиқариш воситаларига эгалик қилишдангина иборат булмай, кишилар ўртасидаги мулкий муносабатлардан келиб чиқадиган турли ижтимоий гурухлар ва уларнинг ўзаро муносабатлари ҳамда уларга боғлиқ бўлган маҳсулотларни таҳсимлаш шаклларидан ҳам иборатдир.

Иқтисодий муносабатлар жамият маънавий ҳаётини, сиёсий, ахлоқий, ҳуқуқий, эстетик муносабатларини белгилайди. Ижтимоий гурухлар, табакалар, миллатлар, сиёсий партиялар, турли уюшмалар, касаба уюшмалари, диний муассасалардан иборат бўлган жамият сиёсий ташкилотларининг меҳнатини ва фаолияти йўналишини жамиятнинг ишлаб чиқариш усули, ишлаб чиқариш муносабатларининг хусусияти белгилайди.

Базис ва устқурма ижтимоий муносабатларнинг ўзаро алоқасини очиб берадиган энг муҳим тушунчалардир. Ижтимоий муносабатлар моддий ва маънавий муносабатларга бўлинади. Маънавий муносабатлар моддий муносабатлар устида устқурмадир.

Б а з и с ю н о н ч а сўз бўлиб, «асос» , « пойдевор» , «негиз» , маъносини билдиради. **Базис деганда, муайян жамиятнинг иқтисодий тузилишини ташкил этган ишлаб чиқариш муносабатлари мажмуини тушунмоқ керак.**

Ҳар қандай базиснинг ўзига хос устқурмаси бўлади. **Устқурма** муайян иқтисодий базис асосида вужудга келадиган турли ижтимоий ғоялар, ҳар хил сиёсий, ҳуқуқий, диний, бадиий, фалсафий қарашлар ва шуларга мувофиқ келадиган муассасалар, ташкилотлар ҳамда шу ғояларни амалга ошириш жараённида инсонлар билан турли ташкилот, муассасалар ўртасида юзага келадиган муносабатлар йифиндисидир.

Ҳар бир муайян жамият ўзига хос базис ва унга мувофиқ келадиган сиёсий устқурмага эга. Базис билан устқурма ўзаро алоқадорликдадир. Устқурмани базис вужудга келтиради ва у базис билан чамбарчас боғлиқдир. Базис бўлса, устқурма ҳам шунга мувофиқ бўлади. Базис устқурмага нисбатан белгиловчидир. Устқурма базисга нисбатан нисбий

мустақиллика эга. Устқурма нисбий мустақиллигининг муҳим кўринишларидан бири – унинг ворислик асосида ривожланишидадир. Устқурма нисбий мустақиллиги унинг иқтисодий базисга кўрсатадиган фаол таъсирида намоён бўлади. Устқурма базиснинг пайдо бўлиши ва мустахкамланиши учун кўмақлашади. Агар устқурма ўз базисини фаолик билан химоя қиласа, у ўз сифатидан маҳрум бўлади, яъни устқурма бўлмай қолади.

Сиёсий устқурма иқтисодий базисдаги ўзгаришларни шунчаки суст акс эттиrmайди. У ўз навбатида иқтисодий базисга, иқтисодиётга фаол таъсир кўрсатади, жамият тараққиётининг умумий оқимиға узвий равища қўшилиб кетади. Шунинг учун ҳам ҳозирги даврда жамиятимизнинг сиёсий тузилишидаги такомиллаштириш, сиёсий ташкилотлар, муассасалар ишларини янада жонлаштириш, кишиларнинг маънавий хаётида амалга оширилаётган йирик ўзгаришлар бежиз эмас, албатта.

Тарихий жараён, унинг маъноси, мақсади ва йўналганлиги.

Жамият қотиб қолган нарса эмас. У доимий ўзгариб, ҳаракатланиб, ривожланиб турувчи тирик организмидир. Жамият қандай ривожланади? у қаёққа қараб ҳаракат қиласи? ўз тараққиётида қандай босқичларни ўтайди? шундай саволлар фалсафа тарихида жуда кўп мутафаккирлар томонидан қўйилган ва турлича хал этилган. Янги даврда бу масалани ҳар тарафлама хал этишга ўринган файласуф Дж. Вико бўлди. У жаҳон тарихини бирлиги, яхлитлиги ҳақидаги, турли ҳалқлар ривожланишида бир хил босқичларни тақорланиши ҳақидаги ғояларни илгари сурди. Немис файласуфи И. Гердер эса жамиятда ворислик масаласига тўхталиб ўтди. Бу мутафаккирлар ижтимоий обьектлар алмашинуви ва жараёнлари давомийлиги тартиботи ва хоказоларни анча чукур изохладилар. Даставвал, улар эътибор берган масала – жамият ўзгариши маълум макон ва вақтда юз бериши муаммоси бўлди.

Алоҳида олинган инсон борлигига ҳам, жамият миқёсда ҳам макон ва вақт яхлит идрок этилади. Бунда шуни назарда тутиш лозимки, ижтимоий макон ва вақт алоҳида борлиқ соҳасининг ажralmas хоссаларидир. Ижтимоий жараёнлар моҳияти физиковий макон ва тақвимий вақт улчовларида ўз аксини топа олмайди. Ижтимоий ўзгаришларнинг вақтда ўзликсиз ва ўзилиш, муайян маром ва маромсизлик кўринишларидан кечиши уларга муайян тарзда қарашни такозо этади. Бундай қарашлардан бири *ижтимоий даврийлик назариясидир*. Уни маятниксимон (кичик тизимда), доиравий, бурамасимон (ўртача катталиқдаги тизимда) ривожланиш шакллари сифатида тушуниш мумкин.

Тарихий жараённи чизиқли тарзда масаввур килиш ҳам мавжуд. Бу таълимотда оламнинг яратилишидан бошланган йўлни охиригача бир йўналишда, текис давом этади, деб тушунтирилади.

К. Маркс ва Ф. Энгелснинг қарашларига кўра, ижтимоий жараёнлар табиий – тарихий тарзда кечади. Бу таълимотга кўра, тарихий

ривожланиш босқичлари изчил равища ***и ж т и м о и й – и қ т и с о д и й ф о р м а ң и я л а р*** шаклида давом этади. Бундан эса тарихни даврларга бўлиш – қадимги ибтидоий давр, қулдорлик, ўрта асрлар – феодализм, янги замон – капитализм ҳамда энг янги давр - социализм ва коммунизм тўғрисидаги қарашлар майдонга келади.

Бир формацияни иккинчиси билан алмаштириш асосида – социал революциялар ётади. Революция (инқилоб) – ижтимоий тизимдаги сифатий сакраш ҳисобланади. Инқилобнинг асоси бўлиб эса, хаддан ташқари, ривожланган ишлаб чиқариш кучлари ва эскириб қолган ишлаб чиқариш муносабатлари ўртасидаги зиддият ҳисобланади.

Формацион ёндашувга цивилизацион ёндашув муқобилдир. Жамият тарихини босқичларга (цивилизацияларга) бўлишда бу ёндашув тарафдорлари индустрія(санаот)ни ривожлан-тиришни оладилар ва қўйидаги босқичларни аниқлайдилар :

- а) Санаот ривожланишигача бўлган жамият ;
- б) Индустріал жамият ;
- в) постиндустріал жамият ;

Бундай ёндашув, айниқса, АКШда (О. Тоффлер, З. Бжезинский, У. Ростоу, Д. Белл ва бошқалар), Францияда (Р. Арон, А. Торен, Ж. Фуастье ва бошқалар) , Германияда (Р. Дарендорф) кенг тарқалган.

Биринчи босқичда – аграр соҳа, иккинчи босқичда санаот соҳаси, учинчи босқичда хизмат кўрсатиш соҳасида информация устун бўлади. «Постиндустріал жамият» тушунчаси Д. Белл томонидан илгари сурилган. О. Тоффлер уни «ўта индустріал» , З. Бжезинский эса – технотрон , айрим файласуфлар – информацион деб номладилар.

Ҳар бир босқич ўзига хос тузилмага, мақсадга эга. Биринчи босқичда, (санаот ривожланишигача бўлган жамиятда) мақсад – хокимият, етакчи тизим – рамия ва черков, асосий қатламлар – феодаллар, диндорлар. Индустріал жамиятда мақсад – пул, асосий қатламлар – бизнесменлар, етакчи тизим – корпорациялар. Постиндустріал жамиятда – билим, етакчи тизим – университетлар, қатлам – билимли кишилар (олимлар, менеджерлар) .

Формацион ва цивилизацион ёндашувларнинг туб фарқи шундаки, жамият ривожида биринчиси революцион, иккинчиси эволюцион йўлларни танлаб олган. Иккала қараш ўртасида умумийлик ҳам бор, яъни улар жамиятнинг узлуксиз ва кетма – кет ривожланишини тан оладилар. Бу ёндашувлардан тубдан фарқ қилувчи концепция – ***л о к а л ւ и в и л ւ ы զ а ң и я л а р н а з а р и я с и д и р***. Унинг моҳияти шундаки, инсоният тарихи яхлит тадрижий жараён булмай, балки алоҳида олинган, бир – бирига боғланмаган маданиятлар (цивилизациялар) тараққиётидир. Бундай қарашларни Германияда О. Шпенглер, Англияда А. Тойнби, Россияда Н.

Я. Данилевский, АКШда И. А. Сорокин каби олимлар илгари сурмоқдалар. Кишиларнинг турмуш тажрибаси ва фан маълумотларини кўрсатишича, тарихий жараённи ўрганиш қўп вариантилик ёндашуви асосида амалга ошганида мақсадга мувофиқ бўлади. Албатта, бу вариантлар шартли табиатга эга бўлиб, улар мутлақлаштирилмаслиги лозим. Негаки, инсон ҳам, инсоният ҳам оҳир – оқибатда ўзлуксиз кечётган ўз муҳити жараёнини ичидаги бўлганлиги туфайли тарих тўғрисида ягона, сўнгги ҳақиқатни айтиб бўлмаслиги ўз –ўзидан тушунарлидир.

Жамият тараққиётини ҳаракатлантирувчи кучлари. Жамият тараққиёти – ижтимоий жараёнда катнашувчи барча субъектлар фаолиятининг натижасидир. Одатда ижтимоий жараён субъектларига :

- Социал гурух
- Уларга хос ташкилотлар (сиёсий партиялар)
- Индивидлар
- Шахслар ва хоказолар киради.

Уларнинг биргаликдаги ва ҳамкорликдаги фаолиятлари туфайли тарих амалга ошади ва ривожланади. Бинобарин, тарихий жараённи ҳаракатлантирувчи кучлар деганда, фаолият кўрсатувчи барча кучлар тушунилади.

Шахслар ҳам ижтимоий тараққиётда катта роль ўйнайдилар. Машхур шахсларни халқ оммаси яратади; дохий, сиёсий арбоб, пайғамбар – халқ фарзандларидир.

Жамиятда бирон – бир ҳарбий саркарда, улуғ мутаффакир, диний ёки сиёсий арбобга эҳтиёж туғилса, уни тарих яратади. Шахслар кўпроқ жамиятда ижтимоий – сиёсий парокандалик, ижтимоий таназзул авж олган давларда дунёга келадилар. Фан, адабиёт, санъат, дин, сиёсат ва маданият арбоблари ҳамма вақтларда ҳам вужудга келавермайдилар.

Тарихий шахсларнинг буюклиги шундаки, улар ижтимоий тараққиёт талабларини бошқаларга нисбатан илгарироқ ва теранроқ англайдилар ва улкан вазифаларни амалга оширишнинг илмий – назарий дастурини яратадилар. Улар ижтимоий тараққиёт қонунларини кашф этиш ва улардан фойдаланиш йўлларини кўрсатиб беришлари мумкин.

Омма ўртасида шуҳрат қозонган, у билан мустахкам боғланган обрўли раҳбарлар бўлмаса жамият олдида турган мураккаб ва турли хил вазифаларни бажариб бўлмайди.

3. Тараққиётнинг ўзбек модели-жамият тадрижий ривожининг намоён бўлишидир.

Тараққиётнинг ўзбек модели — жамиятнинг тадрижий ривожланиш концепцияси сифатида. Ижтимоий ривожланишнинг Ўзбек модели

инсониятнинг ривожланиш борасидаги илфор тажрибасига, миллий давлатчилик тажрибаларимизга ва халқимиз менталитетига таянади.

Ижтимоий ривожланиш борасида халқлар одатда икки йўлдан - инқилобий ва тадрижий йўлдан борган. Инсоният тажрибаси ижтимоий ривожланишнинг кескин инқилобий ўзгаришлар йўли . номақбул ва яроқсиз эканини, жамиятнинг тадрижий (эвалюцион) тараққиёти барқарор — табиий ривожланиш йўли эканини қўрсатди. Ўзбекистон Президенти Ислом Каримов ижтимоий тараққиётнинг тадрижий йўли моҳиятини шундай изоҳлади: «Сохта инқилобий сакрашларсиз, эвалюцион йўл билан нормал, маданиятли тараққиётга ўтиш танлаб олинган йўлнинг асосий мазмуни ва моҳиятидир. Бозор иқғисоди сари буюк сакрашлар, инқилобий ўзгаришлар йўли билан эмас, балки событқадам. изчиллик билан — босқичма-босқич ҳаракат қилиш керак. Хар бир босқичнинг қанча давом эгиши ҳал қилиши лозим бўлган муаммолар доирасига, ташқи омиллар қанчалик қулай бўлишига, ахолининг меҳнат фаолиятига боғлиқдир».¹

Ўзбек моделининг асосий тамойиллари қуйидагилардир:

- иқғисоднинг сиёsatдан устуворлиги;
- давлатнинг бош ислоҳотчи эканлиги;
- қонун устуворлиги;
- кучли ижтимоий ҳимоялаш;
- бозор муносабатларига босқичма-босқич, тадрижий йўл билан ўтиш.

Ўзбек моделининг ўзига хос хусусиятлари давлат асосларининг, миллий қадриятларнинг қайта тикланиши ўзликни англаш, умуминсоний қадриятларнинг устуворлиги, миллий менталитетимизга хос хусусиятларининг тикланиши ва ривожланиши, демократик қадриятларнинг ривожлантирилиши ва инсон ҳуқуқларининг кафолатланиши ва бошқаларда ўз ифодасини топмоқда.

Ўзбек моделининг ҳаётйлиги жаҳон жамоатчилиги томонидан эътироф қилинди. Ўзбекистон тажрибаси қатор мамлакатлар учун намуна бўлиб хизмат қилмоқда ва уни ўрганишга бўлган қизикиш ортиб бормоқда. Ўзбекона тараққиёт маънавий ҳаёт ва иқғисодий ривожланиши бир-бири билан узвий боғлиқликда амалга оширишда, маънавият, маърифат, маданиятга бўлган эътиборнинг кучайишида яққол кўзга ташланади. Маънавий салоҳиятнинг кучайиши, инсон интелектуал ва ахлоқий қобилиятларининг ривожланиши иқтисодий ривожланиш учун пухта замин яратади. Кишиларда янгича иқтисодий тафаккур, тадбиркорлик қобилиятларини ривожлантиришда замонавий илм-фан, техника ва технология асосларини эгаллаш муҳим аҳамият касб этади.

¹ Каримов И.А. Ўзбекистоннинг ўз истиқлол ва тараққиёт йўли. Ўзбекистон, 1992. 41 - бет.

4.Жамият ва оила. Соғлом авлод тарбияси-жамият ривожининг гаровидир.

Жамият ва оила моҳияттан бир-бири билан узвий боғлиқ. Оилада жамиятнинг туб моҳияти ўз аксини топади. Шу маънода, оилани кичик жамият дейиш мумкин. Ҳар бир жамият аъзоси оила бағрида вояга етади, ижтимоий муносабатларни ўзлаштиради ва инсоний фазилатларни намоён этади. Баркамол инсонни шакллантириш, уни ҳаётга, меҳнатга тайёрлаш оиланинг муқаддас вазифасидир. Оилани мустаҳкамлаш жамият барқарорлиги ва қудратининг муҳим шартидир. Шу боисдан ҳам давлат оилани ўз ҳимоясига олади.

Жамиятдаги маънавий-ахлоқий муҳитнинг соғломлиги кўп жахатдан оилавий маданиятга боғлиқ. Оила қандай бўлса, жамият ҳам шундай бўлади. Оилада эр ва хотиннинг мавқеи, оилавий муносабатлар харакери турли халқларда турличадир. Мамлакатмиэда миллий мустақиллик йилларида маънавият соҳасида амалга оширилаётган ислоҳотлар, аввало, оила қадриятларини, энг илфор анъаналарни тиклашга қаратилгандир. Она ва аёл муқаддаслиги ўзбекона қадриятдир. Ҳадиси шарифда она ва аёлнинг муқаддаслиги тўғрисидаги ғоялар оилавий муносабатларни такомиллаштиришда муҳим аҳамиятга эга.

Улуғ мутафаккирлар жамиятнинг мадаий даражаси аёлнинг жамият ва оиласидаги аҳволи, мавқеи билан белгиланишини алоҳида таъкидлаганлар. Соғлом, баркамол авлод тарбияси кўп жихатдан аёлнинг маънавий салоҳияти, билими, уддабуронлиги ва эркинлигига боғлиқдир. Мамлакатимизда кейинги йилларда амалга оширилаётган қатор тадбирлар аёлнинг оила ва жамиятдаги мавқеи ва ролини кучайтиришга қаратилгандир. Оила муаммоларини илмий асосда ўрганилганлиги ва уларни оқилона ҳал этишни ўз олдига мақсад қилиб қўйган республика «Оила» илмий-амалий марказининг ташкил этилганлиги ҳам давлатимизнинг оилавий муносабатларини такомиллаштиришга алоҳида эътибор бераётганидан далолат беради.

Мустақиллик йилларида ўзбек тилига давлат тили мақомининг берилиши, тилимиз хусусиятларига мос бўлган янги алифбога ўтиш уининг мавқеини ошириш ва янада ривожлантиришда муҳим аҳамият касб этди. Бу эса, ўз навбатида, ижтимоий ривожланишга ижобий гаъсир кўрсатди.

Давлатнинг жамият ҳаётидаги ўрни ва аҳамияти. Давлат — жамиятни бошқариш, тартибга солиш, ижтимоий барқарорликни таъминлашга қаратилган алоҳида бир муассасадир. Давлат умуминсоний қадрият, инсоният маънавий тараққиётининг муҳим ютуғидир.

Жамият маънавий салоҳиятининг юксалиб бориши билан сиёсий бошқариш шакллари ва усууллари ҳам такомиллашиб боради. Ўзгарган тарихий шароитда давлатнинг моҳияти, мазмуни ва вазифаларига янгича ёндашиш зарурати вужудга келади. Мустақиллик йилларида миллий давлатчилик анъаналарининг тикланиши билан давлатнинг

ташкилотчилик, бош ислоҳотчилик фаолияти янгича мазмун ва аҳамият касб этди.

Президент И.А. Каримов томонидан ишлаб чиқилган тараққиётнинг ўзбек модели концепциясининг амалга оширилишида давлат ҳал қилувчи ўрин тутади. Мамлакатимизнинг сиёсий, ҳуқуқий ҳаётида амалга оширилаётган туб ислоҳотлар сиёсий бошқарувни янада такомиллаштиришга, юртимизда ҳуқуқий демократик жамият барпо этишга, кучли давлатдан кучли жамиятга ўтишга қаратилгандир.

Жамият ҳаётида турли жамоалар, ташкilot ва уюшмалар ҳам фаолият кўрсатади. Уларни шартли равшпда давлат ва нодавлат ташкилотлариға ажратиш мумкин. Уларга сиёсий партиялар сиёсий ҳаракатлар, касаба уюшмалари, ёшлар уюшмалари, турли жамғармалар, хотин-қизлар ташкилотлари, фахрийлар уюшмаси, маҳалла қўмиталари ва бошқалар киради. Мамлакатимизда амалга оширилаётган барча ислоҳотлар инсон салоҳиятини янада юксалтиришга, юртимизда фуқаролик жамиятини барпо этишга қаратилтандир.

Фуқаролик жамиятини барпо этиш — Ўзбекистон тараққиётининг бош мақсади. **Фуқаролик жамияти** кишиларнинг юксак ахлоқий-сиёсий ва ҳуқуқий маданиятига асосланадиган демократик жамият тараққиётининг юқори босқичидир. Бундай жамият эркин уюшмаларнинг кўпқиррали алоқаси бўлиб, давлат қонунларини ҳурмат қилиб бажарувчи жамият таркибига кирувчи элементларнинг нисбий мустақиллигига асосланувчи, турли зиддият ва ихтилофларни қонун доирасида ўзаро келишув, сабр-тоқат ва музокаралар орқали ҳал этишга асосланувчи жамиятдир.

Фуқаролик жамияти умуминсоний тамойиллар, миллий давлатчилик хусусиятлари, ўзига хос турмуш тарзи ва ҳаёт фалсафаси негизида қарор топади. Ўзбекистон миллий мустақиллигининг дастлабки йиллариданоқ юртимизда фуқаролик жамияти асосларини барпо эташни ўз олдига мақсад қилиб қўйди.

Фуқалик жамиятида давлатнинг қатор вазифалари фуқароларнинг ўз-ўзини бошқариш органлари қўлига ўта бошлайди, маҳаллий ҳокимият органларининг ваколати кенгаяди. Фуқаролик жамияти асосларини барпо этиш кишиларнинг юксак сиёсий ва ҳуқуқий маданияти, ижтимоий-сиёсий фаоллигига таянади. Мамлакатимизда маҳалла ҳокимият органларининг ташкил этилиши, улар ваколатининг кучайтирилиши халқимизнинг ўз - ўзини бошқариш, идора этиш маданиятини шакллантиришда' муҳим аҳамият касб этади. Маҳалла кишиларда яхши инсоний фазилатларини камол топтириш, ўз-ўзини бошқариш, демократик қадриятларни рўёбга чиқариш мактабидир. Юртимизда фуқаролик жамиятини барпо этиш баркамол инсон шахсини шакллантиришни талаб этади. Ўз иавбатида, маънавий етук авлод жамият тараққиётига салмоқли ҳисса қўшади. Шундай етук кишиларни тарбиялашда жамият тўғрисидаги фалсафий билим ва қарашларни ўзлаштириш ва ҳаётга татбиқ этиш алоҳида аҳамиятга эгадир.